

鄭皆山詩集

皆山集數部

閩甫鄭邾奚仲詠

男純景仁錄

五言律詩

晚發

忽聽鳴鷄急攬衣
出戶忙見星隨落月
呼僕負行囊
石路青苔滑板橋
綠水長村聞鳥語
不辨是何鄉

望南山古剎

望遠迷佳色
悠々動我思
煙吹樹影亂
鐘送風聲遲
古塔懸初日
荒村廢短籬
何時來卜築
相與結茅茨

將入夢科尋王臨叔卜居

之子雖云遠前山尚可尋
花源空鳥跡洞壑閉雲陰
款就文公隱先懷玄度吟
他年相執手鷄犬自歸林
其二

十年懷共卧今日擬來遊
豈以山容淡方知秋色幽
水流環石澗風響落松楸
可嘆林樵谷離覓竟不畱
遊龍紀寺贈眉公

聞道龍宮客日書貝葉殘
佳言垂法戒獨坐悟棲禪
徑靜生青草山深起白煙
偶然來洗鉢談笑虎溪前

龍紀寺坐月白眉公賦

秋空明月夜萬樹寂無聲
法外傳心法生平愧我生
花香吸露變潭影始入清
漸喜無塵事時宿化城
重陽懷壺山

迢迢百里外九日未還山
秋老雲霞淡林深猿鶴閒
無人知送酒有菊且開顏
隨意峰頭坐詩成未得刪
夜過九仙閣

我懷丘壑趣策蹇入遙壺
石護蒼藤秀岩空鳥雀孤
叩門煙繞戶倚杖月當途
借問餐霞客誰懸五岳圖

高王晦叔喜陳叔衍先至

漱二雲端外陰陰夏木林我來穿石徑子已聽足音
月影參差見谷香遠近尋衡門猶未掩抱膝共微吟
游夢斜巖追贈林樵谷先生

陵谷知何日徘徊此一丘不堪鳥道氣獨負馬蹄憂
嶽巖山誰採溪泉水自流多君懷獨卧零落幾春秋
其二

披帷如歎笑兀坐竟何言猶憶採樵苦寧知人世喧
風聲連竹徑月色照山村已了窮經志當年獨閉門

其三

葉家開藥園絕世閉柴關
天地容人懶江山何日閒
羞稱宣室石敢負鬚毛斑
石路苔猶滑夢魂去未還
其四

每憶當年事還嗟西鶴旅
人舉頭懷日月卷跡厭風塵
洞口桃花笑峯岩楊柳新
吾窮雖已甚對子未傷神
再過龍紀寺訪石友不遇

扶筇四十里極目二三年
鳥自高飛去人猶短夢然
空林誰說法獨步自聞蟬
世外塵緣斷再來巖坐禪

對酒

對酒寂無言
悽然憶故園
如何今夜月
獨自照柴門
宿鳥歸林急
野谷吸露繁
空餘一酌後
偃蹇听啼猿
秋日山行憶南泉別業

雲深迷去路
策杖恣遨遊
為惜秋三月
聊尋山一丘
鳥啼幽谷亂
花發故園愁
何日瀟溪水
依然石上流
秋九月同方雲師州師家兄牧仲買棹木蘭再
訪鯉湖夢斜諸勝舟中即事

溪行風日好
山色瀟於秋
兩岸紅花發
一舟綠水幽

隨流穿石澗觸目見鳬鷖明日擔簦去萬松嶺上遊

其二

行舟未數里停午日生寒岸瀾濤聲疾天高雲影寬
兩家兄弟共再世友朋難理棹從茲始布帆下急灘

其三

去歲行遊日今年發棹時水小維異路雲物共題詩
鳥下竹林宿人從茅店窺泊船同瞻望紅葉滿疎籬

其四

木蘭曾信宿溪水太連漪舟子招人急漁翁問渡遲

山：黃橘柚處：白茶梨漸入仙源去為尋石上詩

其五

不有登臨興安知山水微壺蘭三十里蒼翠濕人衣
群雁橫空去孤雲帶月歸前村逢隱者相與話詞饒

其六

自余知跋涉此渡日經過百卉穿涯立孤禽倚樹歌
下灘斜影少敲枻晚霞多不遇佳徒侶誰知溯夕波

其七

何曾耽野趣偶爾問前津蘭水客舟橫麥岩護竹筠

仙翁遺蜕又樵子搖頭頻以去無多路石橋若比鄰
其八

共汲木蘭水聊烹龍井茶幾人同洗鉢兩岸聽啼鴉
山遠流霞淡舟輕明月斜為尋方外趣何日到山家
其九

最是舟遊樂雲霞几席間古松懸半壁映水自開顏
漁艇歌聲遠山家烟火閒詰朝尋澗路先後共躋攀
其十

劉郎曾有信遲我的流霞石所洞前月雲峰山後花

桑榆斜映日鷄犬入鄰家
樵客時相問君胡天一涯
五
訪王晦叔適晦叔讀書雲頂岩未歸余輩因投

宿田家

畝下林前拜高人去未歸
幽篁迷鹿苑落照隱漁磯
誰解傾公致能知歌式微
明朝放鶴後曳杖啟柴扉
山行

扶筇行百里終日繞林間
村犬迎人吠蘿花隔水攀
小橋通曲澗老樹蔽前山
款問桃源渡漁翁自未閒

其二

道上涼：樹山中漱：泉無人相聒望鷄犬自安眠
早歲既書史暮年學聖賢興來聊跋涉不覺過華山巔
小酌

朝過竹林寺暮投雲水鄉輕煙侵樹杪明月照山莊
靜極野猿啼悟來夕露香村沽情易醉賓御促飛觴
遊松石園

何處無松石此山獨逶迤峰高日影近林密鳥聲遲
霽色經三月春香此一時若知逢世亂我亦久編離

其二

地接玉泉水天多疊嶂霞一峰松偃蹇數畝石嵯峨
入空聞啼鳥開窓見落花自然饒遠意不是愛山家

其三

攀崖尋曲徑怪石敲浮雲露花林間潤猿啼山下聞
何年開菌閣不復見移文偶爾遊踪至款扣應承群

其四

我愛石嶙峋煙花繞晚香綠條迷柳徑青草上松筠
左右鯉湖水戶庭雲夢人自憐無舊業不得卜芳鄰

登壺山

偶到孤峯上雲行鳥未譖江声逢夕兩山色起朝嵐
何處尋苦樹此間結草庵年々秋後興才見如人慙
其二

不盡溪山外白雲去就多松陰吹洞壑日色就藤蘿
歷落浮塵遠寂寥小鳥過春風無限意杖屨莫蹉跎
其三

已負鹿皮約其如俯仰何青山容浪跡白水待興歌
縱飲風塵少放言時事多寥々松栢在夕影掛岩阿
早起

煙塵辭午夜曉月滿山家靜覺幽香至閒知落影斜
茅疎雲似瓦露濕草皆花未老園林興近來學種瓜

其二

空谷煙猶在曉窓氣自清春風隨下上草色倍分明
日出江湖淺鳥依木末鳴平生無所得獨有幽居情

其三

一室看如斗前村竟若何全無星落影惟有鳥和歌
辟俗蓬蒿草觀光石壁羅偶然裁數字不必動山阿

其四

天氣清涼後山花次第開向晨添霽色入眼火塵埃
宿鳥離巢去怪雲帶日來莫言人尚夢落月滿高臺

山居

看花情未厭倚樹意偏深絕壁風塵少空樵草色陰
何曾耽妙句不覺自高吟緩步開林去時時聽好音
朱坦公見過却贈

雲清天際外氣爽空庭春老我情難定多君意倍親
時危輕夢草世亂重宗臣坐覺看分急岑巖處是新

驟雨

未遑沾落葉已自湧前灘
响急風声遠樹搖花影殘
遠航迷去路隔水混高湍
不復愁寒落時正整釣竿

細雨

葉上瀟瀟響林中澍澍
知落霞人共見聽雨鳥私疑
煙白開窓濕花香入戶遲
草堂鐘磬未風動始沾帷

夜雨

檻外泉奔急驚濤肅聽聞
只容浮影息未許暗香紛
江黑藏漁火簷懸宿暮雲
山精無自笑明日好移文

獨酌